

購買源吉林萬應甘和茶

特別注意！

源吉林萬應甘和茶運銷南洋群島已有數十年歷來茶味藥力之濃厚及其功用效驗之神速久爲我僑胞嘉許毋待贅言惟近查有等奸商暗將僞葯茶渣翻製假冒本堂商標及影射本堂招牌希圖魚目混珠以致惠顧商翁真假難分本堂特委石叻大馬路吉祥泰號爲南洋代理發行以便僑胞就地購辦不致爲假冒及影射者所愚至批發零沽壹律歡迎僑胞光顧認真紅吉字商標玲瓏浮凸及細察茶味葯力甘香濃厚方爲正貨以上諸點幸留意焉

粵禪流澤堂源吉林批露

提倡國貨之正確觀念

汪頌魯

本坡大世界遊戲場一週年紀念，將在該場舉行大規模國貨展覽會，並出版國貨運動特刊，以廣宣傳，徵文於余，竊思該場舉行國貨展覽，適在本坡英僑熱烈舉行英貨運動週之後，夫以強盛有如英國之國民僑居於英國殖民地內，對於提倡其國產貨品，猶且不遺餘方，返觀我國，寇深禍至，則我海外華僑，其于提倡國貨，以視英僑，不應加十倍百倍努力耶，爰承命不辭畧數言焉。

提倡國貨聲浪最高之時，常屬於國家受人侵凌，同胞被屠殺之日。迨及時過境遷，而國貨之不能提倡也如故，外貨之群趨購買也如故，此無他提倡國貨觀念錯誤之過也。

使吾人不矯正此種謬誤之觀念，則今日之所謂提倡國貨，亦將如曩昔之提倡國貨，其結果直等諸零而已，夫所謂謬誤之觀念爲何？即每談及提倡國貨一名辭，吾人輒聯想及於不用某貨一名辭耳。一若國人爲拒用某貨，始知提倡國貨，又若提倡國貨，不過屬于不購某貨之救濟辦法，由此種觀念之謬誤，則將發生下述兩流弊，其一以爲但能不用某貨，則不妨採用其他國家之貨品，於是不用劣貨，適足以爲其他外貨廣銷路，而提倡國貨，不過成爲裝飾之名辭。其一則爲目的手段之倒置，一般人常誤以不用某貨爲目的，而以提倡國貨爲手段，不知提倡國貨，乃吾人救國之目的，不用某貨，不過一時之手段，蓋漏卮不塞，國民經濟及國家經濟，將長處於拮据之中，以至陷於枯竭覆亡之境，提倡國貨之重要意義，即所以塞漏卮而裕國家人民之經濟，並非以不用某貨爲目

的也。如以不用某貨爲目的，居今日文明大啓之世，既不能返古還樸，穴居野處，茹毛飲血，不用一切衣食住行必須之物品，藉使自己出品繁多，足資應用，自可拒用某貨，否則購買外貨，則金錢之外溢也如故，此豈提倡國貨之目的乎？且以今日國人經濟力薄弱之故，某貨價值，常較其他外貨爲廉，是以一時雖能決然拒用某貨，及與奮之情感消失，而拒用某貨之決心亦隨之以消失，此中國民衆被人譏諷愛國熱忱，爲時不過五分鐘之所由來也。

是以外國人之高呼「提倡國貨」也，並不關於拒用某貨，而始作宣傳其國貨之運動，試觀近日僑居馬來亞之英國國民，熱烈宣傳英貨，豈受何種之刺激，而乃發生此種宣傳之反應耶？抑或因拒用某貨，而後乃有此種宣傳耶？又某國海外僑民，所欲飲之酒，所給之煙雖較他國之貨，價昂物劣，而某國僑民，必要購用其國之出品，又豈因拒用某貨或受外來某種刺激耶？可知提倡國貨，乃國民愛國精誠之表現，國民隨時隨地均必提倡其國貨，並非以拒用某貨爲目的也。

中國今日患貧，百廢莫舉，欲辦實業也，則以無款而擱置，欲興教育也，亦以無款而停頓，然每歲購買外貨之漏資，吾人如有暇一檢查海關報告冊，其數之鉅，則頗驚人，國人如此購買外貨之資，以興實業，以辦教育，國家政治一時未入正軌，未見實業教育，即能如何發達，而其情形必不如今日之盜賊，則可斷言也。

關於提倡國貨之文字，近年以還，各界時賢，言之甚詳，何待贅叙，間嘗以國人時時提倡國貨，而國貨終莫能振興，意者對國人提倡國貨觀念，不無差誤，故乘大世界國貨宣傳特刊出版之便，畧貢一得，或亦提倡國貨聲中，國人應須注意之點乎？